



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP–1/21-3-40-321-4/22**
Datum: **03.10.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica, «PREVENT LEATHER» d.o.o. Visoko za donošenje rješenja o vodnoj dozvoli za zahvatanje voda sa izvorišta «Očazi», grad Visoko za potrebe snabdijevanja tehnološkom vodom za sopstvene potrebe, na osnovu člana 109. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu, «PREVENT LEATHER» d.o.o. Visoko za zahvatanje vode iz bunara EB-1 i EB-3 (kapaciteta oko 15l/sec) sa izvorišta «Očazi» lociranom na zemljištu označenom kao k.č. broj: k.č. 53/3, 53/4, 54 K.O. Kraljevac i 1714/2 K.O. Moštre, grad Visoko za potrebe snabdijevanja tehnološkom vodom za sopstvene potrebe.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se iz bunara izgrađenih u sklopu izvorišta «Očazi», vrši crpljenje vode u optimalnoj količini tj. pod istim uslovima pod kojim je utvrđena njihova optimalna izdašnost od 15 l/s.
 - 2.2. Da se predmetni vodni objekti održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 2.3. Da korisnik vodnih objekata brine o čuvanju istih kao i opreme i uređaja instaliranih u njima od slučajnog ili namjernog oštećenje ili uništenja.
 - 2.4. Da se instalirani mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima.
 - 2.5. Da se obezbijedi kontinuirani rad i nadzor stručnog osoblja na vodnim objektima u skladu sa priloženim Općim aktom o održavanju, korištenju i osmatranju vodnog objekta i postupanju u slučaju kvara ili havarije.
 - 2.6. Vlasnik, odnosno korisnik objekata je obavezan redovno vršiti atestiranje mjerača protoka od strane ovlaštenog operatera te vršiti očitavanja i evidenciju zahvaćenih količina vode. Podatke o količinama zahvaćene vode treba dostavljati u skladu sa Pravilnikom o sadržaju i načinu vođenja evidencije i dostavljanja podataka o količinama zahvaćene vode («Službene novine Federacije BiH», broj 83/08).
3. Vlasnik, odnosno korisnik objekta je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan plaćati posebnu vodnu naknadu za zahvatanje vode iz rijeke Bosne za tehnološke potrebe.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim vodozahvatnim objektima obuhvaćenim ovom vodom dozvolom, korisnik zaštitnih vodnih objekata nije odgovoran za nastale štete.
6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
7. U ovoj upravnoj stvari plaćene su sve upravne pristojbe.
8. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
9. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.

10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
11. Ova vodna dozvola ne oslobađa podnosioca zahtjeva obaveze pribavljanja koncesije za zahvatanje vode za tehnološke potrebe ukoliko je isto predviđeno posebnim zakonima.

O b r a z l o ž e n j e

Pravno lice, «PREVENT LEATHER» d.o.o. Visoko, obratilo se ovoj Agenciji dana 22.06.2022. godine sa zahtjevom za izdavanje vodne dozvole za zahvatanje vode iz bunara EB-1 i EB-3 (kapaciteta oko 15l/sec) sa izvorišta «Očazi», grad Visoko a za potrebe snabdijevanja tehnološkom vodom za sopstvene potrebe.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-21-000093 izdatog dana 11.03.2021. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 26.12.2016. godine od strane Porezne uprave Federacije BiH – Kantonalni porezni ured Zenica,
- Punomoć zastupnika podnosioca zahtjeva od 08.06.2022. godine,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-33186/16 izdatog dana 26.12.2016. godine od strane Službe za statistiku za područje Zeničko-dobojskog kantona,
- Ovjerena kopija Zemljišnoknjižnog izvotka broj: 041-0-NAR-22-011110 ZK uložak broj: 215 (za parcele označene kao k.č. broj: 53/3 i 821 K.O. Kraljevac) izdat dana 16.06.2022. godine od strane Zemljišnoknjižnog ureda - Općinski sud Visoko,
- Ovjerena kopija Zemljišnoknjižnog izvotka broj: 041-0-NAR-22-011111 ZK uložak broj: 1136 (za parcelu označenu kao k.č. broj: 1714/2 K.O. Moštre) izdat dana 16.06.2022. godine od strane Zemljišnoknjižnog ureda - Općinski sud Visoko,
- Projekat izvedenog stanja sistema bunara «PREVENT EB-3» u Visokom urađen od strane od strane «GEOHIGRA» d.o.o. Sarajevo, decembar 2005. godine (na uvid),
- Izvještaj o dopunskim hidrogeološkim istraživanjima i ispitivanjima izvorišta «OČAZI» Visoko od strane «GEOHIGRA» d.o.o. Sarajevo, maj 2005. godine (na uvid),
- Glavni projekat potisnog cjevovoda Ø250mm i spojno distribucionog voda Ø300mm, juni 1974. godine (na uvid),
- Elaborat geodetskog snimanja i obilježavanja dijela potisnog voda na lokalitetu Očazi urađen od strane «SAAD COMERC» d.o.o. Sarajevo,
- Kopija izvještaja o količini zahvaćene vode za mjesec maj 2022. godine (obrazac ZV) sa dokazom o uplati naknade za iskorištenje vode,
- Izvještaj o preventivnom mjesečnom pregledu opšteg stanja objekta, cjevovoda i opreme bunara EB-1 i EB-3 u mjesecu maju 2022. godine,
- Kopija Rješenja o vodnoj dozvoli broj: UP-I/25-3-40-713-6/16 za zahvatanje vode iz bunara EB-1 i EB-3 sa izvorišta «Očazi» za tehnološke potrebe izdatog dana 23.06.2017. godine od strane «Agencije za vodno područje rijeke Save» Sarajevo,
- Kopija Rješenja o okolišnoj dozvoli broj: UP I 05/2-23-11-92/17 izdatog dana 12.10.2018. godine od strane Federalnog ministarstva okoliša i turizma,
- Opći akt o održavanju, korištenju i osmatranju vodnog objekta i postupanju u slučaju kvara ili havarije «PREVENT LEATHER» d.o.o. Visoko – bunari EB-1 i EB-3, 2022. godine,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-713-6/16 od 23.06.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 01.07.2022. godine konstatovano je da podnosilac zahtjeva «PREVENT LEATHER» d.o.o. Visoko redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog izvorišta «Očazi», grad Visoko te je sačinjen zapisnik o izvršenom uviđaju broj: UP-1/21-3-40-321-3/22 od 27.09.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Kompleks pogona za preradu kože «PREVENT LEATHER» d.o.o. Visoko smješten je u Industrijskoj zoni u naselju Topuzovo Polje, grad Visoko na lijevoj obali rijeke Bosne (u blizini autoputa A1). Projektovani kapacitet pogona je 70tona/dan sirove kože ali isti varira u zavisnosti od zahtjeva tržišta. Snabdijevanje tehnološkom vodom potrebnom za rad pogona vrši se sa izvorišta «Očazi» koje se nalazi u naselju Očazi, grad Visoko. Koristi se od 1973. godine od kada je na izvorištu bušeno više bunara i istražnih bušotina. Za predmetno izvorište je u ranijem postupku izdato Rješenje o vodnoj dozvoli broj: UP-I/25-3-40-713-6/16 od 23.06.2017. godine od strane ove Agencije.

Bunari su locirani na udaljenosti od oko 150-300m od rijeke Bosne na lijeva obali. Trenutno, za tehnološke potrebe Pogona za preradu kože «PREVENT LEATHER» d.o.o. Visoko se vrši zahvatanje vode iz dva bunara EB-1 i EB-3 u količini cca 15l/sec. Zahvaćena voda se omekšava tabletiranom solju. Osim ova dva bunara na predmetnom lokalitetu nalazi se bunar B-3 koji koristi preduzeće «AKOVA» d.o.o. Visoko i bunari EB-2 i B-4 koji su ranije bili u eksploataciji.

Bunari EB-1 (na koti 407,00m n.m.) i EB-3 (na koti 407,4m n.m) su dubine oko 5,5m, zatvorenog su tipa i ograđeni bodljikavom žicom. Opremljeni su sa po dvije potapajuće pumpe proizvođača SAER, tip NR-201 C/4, 22kW. Vještačko prihranjivanje bunara EB-3 vodom iz rijeke Bosne se vrši sa 4 horizontalne drenažne cijevi Ø315mm, dužine oko 44m.

Zahvaćena voda se potisnim cjevovodom Ø250mm transportuje do rezervoara «Ravne» kapaciteta 2x650m³ gdje je instalirana mjerač protoka. Udaljenost rezervoara od izvorišta je cca 2,4km. Mjerenje količina zahvaćene vode se vrši redovno o čemu se vodi redovan monitoring.

Prema kontrolnom Elaboratu o EBS-a urađenom u junu 2022. godine od strane «Agencije za vodno područje rijeke Save» Sarajevo – Sektor Laboratorija za vode godišnja potrošnja vode za tehnološke potrebe u 2021. godini je iznosila 202.276,00m³/god.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 44., 50. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkom 8. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-321-2/22 od 05.07.2022. godine.

Konstatuje se da je podnosilac zahtjeva, «PREVENT LEATHER» d.o.o. Visoko ispunio minimum uslova za izdavanje vodne dozvole za zahvatanje vode iz bunara EB-1 i EB-3 (kapaciteta oko 15l/sec) sa izvorišta «Očazi», grad Visoko a za potrebe snabdijevanja tehnološkom vodom za sopstvene potrebe te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih
akata


Haris Ališehović, dipl.ing.građ.

Dostaviti:

- «PREVENT LEATHER» d.o.o. Visoko
Topuzovo Polje bb, 71300 Visoko
- ☒ AVP, ISV – Vodna knjiga
- Sektor 50,
- ☐ Sektor 40, arhiva
- oglasna ploča – AVP Sava